

青延
山予
述著

皇朝史畧

四

國立中央圖書館

歷史部	門	號
日本史	部	
第 2 卷		
第 1 冊		
210.8		
217.14		

T1A1

26

A 58

皇朝史略卷之七

水府史臣青山延于著

男 延光校

後三條天皇諱尊仁後朱雀帝第二子也母陽明門院

三條寬德二年立為皇太子治曆四年七月即位於太

政宮廳杖來即位用官廳始此代八月造大極殿

○延久元年春二月勅寬德二年以後新置莊園一切

罷之○夏四月立貞仁親王為皇太子○秋七月停諸

國御厨贄後院御贄畧○八月開白教通罷左大臣以

圖書 和圖書 迦



福岡教育大学蔵書

右大臣藤原師實為左大臣內大臣源師房為右大臣

大納言藤原信長為內大臣信長教通之子也公卿補任○

冬閏十月始置記錄所於太政官朝所白鍊抄愚管抄帝久在

儲宮經歷世故雅好文學博通古今及即位總攬權綱

續古時權貴多占莊園為民蠹害帝患之至是置記錄

所檢覈虛實愚管抄正統記○二年春二月定絹布制○三月

以關白教通為太政大臣記○三年秋八月關白教通

罷太政大臣補任○新宮成自高陽院徙御焉○四年夏

四月大極殿成○秋八月定沽價法○九月定斗升法

百鍊抄帝欲審量制命新作若使藏人頭藤原資仲督

之帝親抽簾竹截為之準及成資仲等率藏人出納小

舍人量殿庭沙試之而取穀倉院米量之後世遵用謂

之宜旨升愚管抄東○冬十二月帝不豫讓位皇太子

畚隨筆初帝在東宮見藤原氏擅權心甚不平又數緣

事積怨賴通而會忍不發及即位痛抑其權奪之政柄

教通雖居台輔備貲而已榮花物語愚管抄教通嘗作南圓堂

時禁國司再任教通請再任如故帝奮髯震怒曰攝關

之可憚者唯國之外祖而已朕則無所畏峻拒其奏教

通艷然拂衣而起大呼曰藤原氏卿相悉罷春日神威

今日盡矣於是諸藤咸起隨教通而出帝不得已召還

許之事讀古帝躬行節儉御扇用檜柄藍紙又青魚頭塗

胡椒以充御膳談古事一條以來政歸外戚朝憲稍弛帝

剛健嚴明不受牽制勵精圖治紀綱大張榮花物語帝

欲傳位東官居院決政然去位未幾而崩愚管賴通嘆

曰我邦不幸莫甚於斯大江匡房謂教化被世可比隆

於承和延喜也續佳在位五年改元者一曰延久皇太

子立是為白河天皇百鍊

白河天皇諱貞仁後三條帝長子也母贈皇太后藤原

氏延久元年立為皇太子至是受禪少皇弟實仁親王

為皇太弟○五年夏五月後三條法皇崩壽四十扶桑

百鍊○冬十月宋主附在宋僧成尋贈金字法華經大

藏經及錦二十段抄百鍊成尋姓藤原本簪紱之曹也事

石藏文慶受密教前年如宋神宗召見延和殿會宋國

大旱神宗敕成尋祈雨於是修法三日雷電閃鳴大雨

如注神宗大喜賜號善慧大師後終于宋狀書○承保

元年春二月前關白太政大臣賴通薨畧賴通在職驕

恣過父嘗作高陽院尤極華麗榮花教通宮二條第亦

極宏壯賴通不悅謂師實曰大宮私宅充塞街闢無乃

踰制乎師實曰固也雖然吾族所為孰敢容議乎賴通

領焉自是競廣第宅互以侈麗相尚占事至是薨世稍

守治關白榮花○二年秋九月關白前太政大臣教通

薨○以左大臣藤原師實為關白○承曆元年春二月

香推榮花廟火畧記○右大臣源師房薨畧記家稱上御門

系○四年秋八月以內大臣藤原信長為太政大臣權

大納言藤原俊家為右大臣權大納言藤原能長為內

大臣俊家能長賴宗之子也畧記○五月高麗王遣使求

醫百鍊下公卿議之中納言源經信曰高麗王病於我

何与竟不遣經信賴敏遇事能斷有人射狐於叢祠中

祠以狐為神廷議將處之法經信謂曰白龍魚服見困

豫且由是其人得免罪續古○九月宋商孫忠來宋主

付忠贈錦綺廷議不報百鍊○永保元年夏六月先是

延曆寺僧与園城寺構怨至是延曆寺僧數千人入園城

寺燒堂舍房宇○秋九月園城寺僧可三百乘夜攻延

曆寺延曆寺僧擊殲之○敕遣檢非違使及前下野守

源義家於園城寺逮捕凶徒既而延曆寺僧徒復燒園城寺僧舍蕩盡○二年秋七月大内火延及神嘉殿帝

徙御六條宮

畧記百鍊抄

○冬十月右大臣藤原俊家薨○

十一月内大臣兼皇太弟傳藤原能長薨畧記○前伊豫

守源賴義卒年八十八系圖○附宋商孫忠報牒于宋初

朝議不宜報宋牒百鍊抄

至是定議報之經信記

○十二月

以大納言源俊房為右大臣俊房師房之子也○三年

春正月以右大臣源俊房為左大臣權大納言源顯房

為右大臣權大納言藤原師通為内大臣顯房俊房之

弟師通師實之子也○富士山焚畧記○應德元年春二

月帝徙御三條宮○二年秋七月京師民每街建小祠

榜曰福德神或曰長福神貴賤競集置酒縱飲救撿非

違使毀之百鍊抄

○冬十一月皇太弟薨○三年秋七月

造離宮於鳥羽自卿相近臣下至胥吏賜宅地課天下

徭役穿池築山宏敞鉅麗究極工巧畧記○冬十月參議

藤原通俊上後拾遺和歌集本書序○十一月立善仁親

王為皇太子即日傳位畧記百鍊抄帝器度弘大剛決果斷

政出宸衷相門斂手頗有後三條之風中右記遜位之

後聽政院中四十餘年大臣備貢天子垂拱抑成而已
凡以院宜號令天下置別當北面始此天下之形勢至

此一變矣中右記篤信佛法前後四幸高野八幸熊野

鍊記百慶佛像建佛塔不可勝數嚴禁天下殺生屢事

營造國用窘窮國司遷替頗乖舊典定任者三十餘國

上萬石萬匹者輒得為國司至有父子三四人同時並

任童稚者亦得任焉是時競尚華麗如賤女子亦被文

繡侈靡之風至此而極矣中右記在位十五年改元者四

曰承保承曆永保應德皇太子立是為堀河天皇

堀河天皇諱善仁白河帝第三子也母中宮藤原氏應

德三年十一月立為皇太子即日受禪於堀河院時年

八歲以關白師實攝政尊白河帝曰太上天皇扶來記○

寬治元年冬十二月陸奧守源義家平清原武衡中右記

鍊抄○按後三年軍記元年為五年今從本書初清原武則以討安倍貞任功

拜鎮守府將軍畧記生武貞武衡武貞稱荒川太郎領陸

奥膽澤加賀江刺稗田志波岩手等六郡後一年軍記

年長子真衡相繼領焉貞任之敗武貞納藤原經清妻

生家衡經清子清衡亦從母養於武貞後三年軍記經清者

秀衡之裔為陸奧權守以安倍賴時女壻黨賊見誅

陸奧

真衡藉父祖餘業勢益彊盛其族皆臣事之真衡

無子養平安忠子成衡為嗣稱海道小太郎

後三年軍北來國

真衡為成衡聘源賴義女使親族饋飲食金帛以饗食之

真衡姑夫吉彥秀武至自出羽多齎酒饌奉之真衡方

圍碁不礼秀武秀武怒投金帛趨出往歸出羽真衡大

怒率眾往攻之秀武慮眾寡不敵遣使說清衡家衡讓

真衡僅塞清衡等從之乃率兵襲之燒膽澤郡民家四

百餘區真衡聞而大驚急馳還清衡家衡亦引兵而還

及義家為陸奧守赴出羽圍家衡不利而還家衡叔父

武衡聞義家收兵應家衡乃懷議據金澤柵義家聞

武衡來援大怒至是自將兵數萬攻之會弟義光自京

師來義家大喜分兵与之戮力攻柵柵中固守矢石雨

下死傷甚眾久之不拔吉彥秀武說義家以曠日持久

之計義家從之乃合長圍

按後三年之亂起秀武清衡家衡其黨子也而今秀武

屬義家攻家衡力為可疑蓋小同必有背家衡而柵

事而本書缺脫今不可改如從本書以有疑中食之武衡因義光請降義家不聽武衡家衡燒柵夜

遁義家追擊之獲武衡家衡斬之梟其黨四十八人首

與羽系平

後三年軍記

清衡麓領武貞故地六郡

東鑑文治九年

為

陸奧押領使

系

初義家從賴義東征平賊而還嘗詣關

白賴通談征戰事時大江匡房在坐聞之既而匡房退

出私言渠有將才惜未知兵法義家從者竊聽而惠待

義家出而告之義家曰此必有故追及謹請遂執弟子

礼及征武衡方攻金澤城見飛雁乱行曰是江師所教

必當有伏分兵圍之果有伏遂擊敗之

著聞集

○二年冬

十一月太政大臣信長罷○十二月以攝政師實為太

政大臣職仍舊

記

○三年夏四月師實罷太政大臣

中

記○四年冬十一月師實攝政為關白○五年夏六

月先是源義家子弟義綱有隙將鬪至是朝廷詔諸國

禁其兵士入京師事遂寢

百鍊抄

○七年秋八月先是延

曆寺僧徒數千逐座主良真至是良真率兵數百毀東

塔房舍將及西塔橫川僧徒擊走之遂毀良真房舍焚

坂下民家八十餘戶

畧記

○嘉保元年春三月關白師實

罷以內大臣藤原師通為關白○秋九月前太政大臣

信長右大臣源顯房並薨

中右記

○二年冬十月延曆寺

僧徒奉日吉神輿詣關訪美濃守源義綱殺其徒中務

亟源賴治距之射殺神人僧徒棄神輿而走盛衰記○永

長元年秋七月帝觀田樂古事談自是朝野田樂大行衣

以錦繡飭以金銀群臣務制奇服以相誇尚郁芳門院

尤好之無幾而崩識者以為凶徵朝野群載○康和元年春

正月以仁和寺覺行為親王皇子為僧拜法親王殆此

仁和寺傳○夏六月關白內大臣師通薨百鍊師通

博學多通兼工篆隸絲竹好賢愛士進文學之士黜勢

利之徒嘉保永長間天下肅然世稱後二條關白外記

時白河法皇遜位仍親政事百司常關門師通歎曰豈

有神位之君而群臣立車於門者乎及薨法皇益無忌

憚時人歎惜焉鏡今○二年夏六月大內成德御馬

秋七月權大納言藤原忠實為右大臣權大納言源

雅實為內大臣大府記忠實師通之子雅實顯房之子也

公卿補任○三年春二年前關白太政大臣師實薨百鍊

稱後宇治系○秋七月前對馬守源義親幼掠鎮西救

討之義親義家之子也○冬十月流義親于隱岐○五

年秋八月立宗仁親王為皇太子○長治二年冬十二

月以右大臣藤原忠實為關白○嘉承二年秋七月帝

崩于堀河院壽二十九百鍊帝臨御日久而天下之事

皆決於法皇不勝總攬乾綱然留心政事諸司奏案

夜必覆視有可疑者御批再令商議續古嘗謂左右曰

普天之下皆王民也遠民何疎近民何親一人之耳不

得周聞四海之事是大患也卿等有聞告而勿隱盛衰

在朝帝以為得人不愧於古也鏡在位二十二年改元

者七曰寬治嘉保永長承德康和長治嘉承皇太子立

是為鳥羽天皇百鍊

門本平是時源俊房藤原通俊大江匡房藤原季仲等

鳥羽天皇諱宗仁堀河帝長子也母贈皇太后藤原氏

康和五年立為皇太子至是踐阼時年五歲以關白忠

實攝政百鍊○冬十二月隱岐流人源義親逃全出雲

殺目代掠官物敕因幡守平正盛討之中右○天仁元

年春正月正盛面義親首入京師○夏四月延曆寺僧

徒數千擐甲奉日吉神輿入京師敕遣檢非違使禦之

百鍊○秋八月前鎮守府將軍源義家卒年六十八義

家小字源太初賴義夢八幡神賜劍覺而異之既而其

妻有身生義家年甫八歲加元服於石清水社因號八

雲

幡太郎系圖閩中抄小義家每出唯使一小冠者持太

刀耳嘗詣右大臣藤原賴宗第圍棋會有人提刀突入

走過南庭義家乃抗色曰義家在斯不聽而過義家急

呼從者使止之從者呼曰八幡殿在何不止其人投刀

就縛俄而從兵數十人來集遂拘而去人以是知其有

備益畏之十訓抄初興州之役義家每射甲士皆應弦

而斃清原武則欲試其弓力疊堅甲三領挂之樹枝請

義家射之義家一發洞貫武則大驚曰神也非人之所

能矣抄來○二年春二月盜殺左衛門尉源義忠廷議

以為源義明所為使檢非違使源重時討之義明戰死

義明父義綱寃之走據近江甲賀山而反救使源為義

討之義綱降流之佐渡百鍊抄為義以功為左兵衛尉

百鍊抄為義義親之子祖義家子養之系圖○天永二年冬

十一月權中納言大江匡房薨年七十一匡房歷事後

三條白河堀河及帝四朝公卿以博識稱十訓抄自音

人至匡房八世繼業為三朝帝師及薨人咸悼惜焉中

記白河帝嘗謂左右曰吾文王也替古文才不必躬親

獨擢用匡房豈非尚文耶古事嘉保中為太宰權帥世

稱江師

記中右

及婦所得雜賄密識其貨當受与不分載

一船既而覆沒一艘非理貨船無事而至匡房歎曰世

已澆季神亦無靈

著聞集

○三年冬十一月攝政忠實罷

右大臣○十二月以攝政忠實為太政大臣職仍舊

記○永久元年夏四月延曆寺僧徒二千餘毀清水寺

堂宇奉祇園北野神輿詣大炊殿訴興福寺僧陵辱祇

園神人使檢非違使源光國平正盛左衛門尉源為義

率兵距之法皇諭僧徒還山

長秋記百鍊抄

自是二寺構怨將

相攻京師繹駭救二寺和解之僧徒不奉詔

中右記

○攝

政忠實罷太政大臣

補作

○興福寺僧徒數千將攻延曆

寺遣檢非違使平正盛及子忠盛等於宇治逆戰于栗

子山破走之

中右記外記日記

○冬十二月忠實罷攝政為辭

白○權大納言源俊明薨

補任

俊明為人鯁直有操守嘗

造佛像陸奧押領使藤原清衡遺沙金以資之俊明卻

而不受或問其故俊明曰清衡割據東陸若圖不軌當

与追討之議是我所辭也

古事談十訓抄押領使抄系圖

俊明隆國之

子也

補任

○二年秋七月院宣延曆寺禁僧徒帶兵仗○

是歲京師多盜公行劫掠南海道海寇剽掠貢調都鄙

騷擾中右記 ○三年夏四月以内大臣源雅實中右記為右大臣

大納言藤原忠通クミミ為内大臣忠實之子也補 ○四

年秋七月下新制七條朝野群載 ○元永元年春正月立女

御藤原璋子為中官中右記 璋子大納言公實女系法

皇取養於宮中遂私焉己而配帝生崇德帝帝以為非

己子以故不慈古事談

外史氏曰 白河帝不以礼義律其身而帷簿不修

君德有闕遂使 鳥羽帝不慈其子而 崇德帝不

孝其父三綱廢而五倫廢保元之乱已胚胎于此禍

及數世而不已至使天下生靈肝腦塗地何其慘也

嗚呼後之人君可不戒哉

○保安元年冬十一月法皇罷關白忠實内覽文書初

法皇救忠實納其女泰子於宮中忠實固辭法皇大怒

養璋子以納之至是法皇幸熊野帝救忠實納泰子裝

臨備法皇聞而大怒誚責忠實罷内覽忠實退居宇

治杜門不出愚管抄 ○二年春正月復關白忠實内覽文

書左大臣源俊房罷 ○關白忠實罷救内大臣藤原忠

通内覽文書 ○三月以忠通為關白補 ○夏閏五月延

曆寺僧徒燒國城寺堂宇蕩盡百鍊○冬十一月前左

大臣源俊房薨要記代俊房練達政事自祖具平三世相

繼有文才兼能書殿門榜多其所書今鏡後拾遺○三年

秋七月大學寮孔廟壞百鍊○冬十二月以右大臣源

雅實為太政大臣補源氏拜是官始此職原關白內大

臣忠通為左大臣大納言藤原家忠為右大臣權大納

言源有仁為內大臣家忠師實之子有仁輔仁親王之

子也補○四年春正月立顯仁親王為皇太子即日傳

位百鍊帝通天文精音律涉覽古記博通典故合好修

容儀時源有仁亦好修飾一時化風凡朝服有綾鳥帽

有額皆始于此時正統遜位之後聽政院中二十八年

保元帝好色多內嬖記前後有三女院美福門院最被

寵幸保元之亂實始于此矣保元在位十七年改元者

五曰天仁天永承久元永保安皇太子立是為崇德天

皇

崇德天皇譚顯仁鳥羽帝長子也母待賢門院保安四

年正月立為皇太子即日受禪時年五歲百鍊以關白

左大臣忠通攝政尊鳥羽帝曰太上天皇一代○天治

元年秋七月太政大臣雅實罷○大治二年春二月前

太政大臣雅實薨公卿補任○秋八月釋奠用素饌百鍊抄○

是歲前木工頭源俊賴上金葉和歌集先是法皇敕俊

賴撰之至是成拾芥抄俊賴經信之子源善和歌造語新

奇体制溫雅一時士人推為宗師今錦鴨長明無名抄○三年冬

十二月以攝政左大臣忠通為太政大臣職仍舊補○

四年春三月山陽南海二道海賊起法皇敕備前守平

忠盛捕之朝野群載○夏四月攝政忠通罷太政大臣○六

月忠通罷攝政為關白補○白河法皇崩壽七十七十

記自是後上皇專理萬機一效法皇今錯係元物語○五年

冬十一月有男子稱源義親入京上皇處之前太政大

臣忠實鴨院真偽未決檢非違使源光信以私怨發兵

擊殺之及其從者流光信及其黨奪其弟右兵衛尉光

保官中右記百鍊抄○天承元年冬十二月以右大臣藤原家

忠為左大臣內大臣源有仁為右大臣大納言藤原宗

忠為內大臣宗忠大納言宗俊之子也補○長承元年

秋九月上皇定新制十四條○保延元年夏四月敕備

前守平忠盛討西國海賊○秋八月忠盛獲海賊三十

餘人入京

中右記
百鍊抄

○二年夏五月左大臣藤原家忠罷

尋薨家稱花山院○冬十二月以右大臣源有為左

大臣內大臣藤原宗忠為右大臣權大納言藤原賴長

為內大臣賴長忠實之子也○四年春二月右大臣藤

原宗忠罷

補任

○三月京師大火○五年秋八月立皇弟

體仁親王為皇太子

百鍊抄

上皇既遜位納關白忠實女

有寵尊為皇后最後納中納言藤原長實女尤見寵幸

是為美福門院生體仁上皇鍾愛之生僅三月遂立為

帝太子

今

○永治元年春三月上皇薨髮

百鍊抄

○夏四

月前右大臣藤原宗忠薨○冬十二月帝禪位于皇太

弟

百鍊抄

帝雅無去位之志法皇欲立美福門院所生故

速禪位帝以為詔書宜稱皇太子既而稱皇太弟帝駭

曰明日審議當否法皇不聽帝奉書法皇中使相踵薄

幕始傳劍璽

今

自是二宮不相協

保而
物語

在位十九年改

元者六曰天治大治天承長承保延永治皇太弟立是

為近衛天皇

近衛天皇諱體仁鳥羽帝第八子也母美福門院保延

五年立為皇太子至是受禪時年三歲

百鍊抄

以關白忠

通攝政尊崇德帝曰太上天皇一代要記○康治元年春三

月園城寺僧徒燒延曆寺堂房延曆寺僧徒擊印之百鍊

批○久安三年春正月左大臣源有仁辭尋薨公卿補任有

仁能詩歌通音律好修容儀衣冠裁製為之一變世稱

花園左大臣鏡○四年夏六月禁內火百鍊○五年秋

七月以內大臣藤原賴長為左大臣大納言藤原實行

為右大臣大納言源雅定為內大臣實行大納言公實

之子雅定雅實之子也○冬十月以攝政忠通復為太

政大臣職仍舊○六年春三月攝政忠通罷太政大臣

○秋八月以右大臣藤原實行為太政大臣內大臣源

雅定為右大臣大納言藤原實能為內大臣實能實行

之弟也○冬十二月忠通罷攝政為關白補任○仁平元

年春正月左大臣藤原賴長內覽太政官文書台記賴長

常与兄忠通不相能兄弟相軋猜忌日甚忠實素愛賴

長疏忠通遂奪其所授朱器臺盤以授賴長為氏長者

至是又奪其職授賴長愚管賴長博學多識常以經濟

自許忠通工歌詩善書賴長非之曰是小技非經濟之

學也係示及為氏長者益忌忠通不後相通愚管抄○三

年春正月刑部卿平忠盛卒忠盛貞盛六世孫也累世

以武著忠盛歷事白河堀河鳥羽崇德及帝五朝叙正

四位下歷播磨備前伊勢但馬等守至刑部卿忠盛

盛衰初白河上皇有寵姬造宮於祇園祠東南處之世

稱祇園女御上皇嘗微服潛幸焉忠盛以北面從之會

雨夜園路有如夜叉者頭髮毵毵如束銀針口吐火光

忽明忽滅上皇見而怪之從者皆畏怖不敢進上皇使

忠盛捉之忠盛徑前抱之乃一老僧也將點火於祠首

戴表紳千人器行且吹火衆始知其非鬼物上皇大稱

其勇忠盛為人眇一目故人譏之曰伊勢旗子醜獺也

中家物語源平盛衰記○按○久壽元年夏五月右大

卿平氏斷難即訓讀相通

臣源雅定罷補○二年秋七月帝崩壽十七在位十五

年改元者五曰康治天養久安仁平久壽白鍊抄法皇議

立雅仁親王是為後白河天皇愚管抄

後白河天皇諱雅仁鳥羽帝第四子崇德帝母弟也久

壽二年近衛帝崩無嗣上皇以為重仁親王當承統重

仁上皇第一子也衆亦屬意美福門院謂上皇呪詛近

衛帝故不欲立重仁乃勸法皇立帝廟白忠通亦慙慙

之遂立帝時稱四宮微而無聞至是朝野愕然愚管抄

語○九月以皇子守仁為親王即日立為皇太子保元抄

守仁幼失恃為美福門院所鞠故美福門院嘗帝之

鐘○保元元年秋七月鳥羽法皇崩壽五十四百鍊抄時

上皇入臨及門右衛門權佐藤原惟方稱遺詔拒而不

納上皇大恚而還愚管抄謂左大臣藤原賴長曰以古

撥今孝德有皇子而承統者天智也淳和有皇子而嗣

位者仁明也華山先於一條三條先於後朱雀朕雖不

德先帝之長子位泰萬眾尊居上皇皇統所繫非重仁

而誰先帝捨之立匪文匪武之小子父子懷憂朝野失

望朕欲乘此機而舉大事公意何如賴長贊成其事謀

頗外泄帝使下野守源義朝收少監物藤原光良等於

東三條殿鞠之時上皇召兵道路騷擾救義朝及檢非

違使源義康警衛禁內遣檢非違使平基盛源季實平

維繁等于近畿諸路捕兵士齋甲入京者先是上皇在

鳥羽宮法皇崩七日修法會於田中殿上皇不臨至是

將出宮參議藤原教長諫之不聽託言齋院行啓入居

白河前齋院第又移御非殿保元抄帝使平信兼要賴長

皇門史記卷之七

於潁川

愚管批

賴長間行赴白河帝告急美福門院美福

門院矯遺詔召安藝守平清盛警備禁內上皇遣教長

召源義朝父前檢非違使為義為義辭曰上以臣我家

之後為知兵者耶臣之壯猶不如人今老矣無能為也

驚祈男山神告凶又家藏名甲夢為森風所飄臣意不

樂教長曰夢固難信且君為武將拘忌至是我不敢奏

宣親王宮辭之為義言屈率子賴賢賴仲為成為朝等

詣白河殿陳策曰臣所率特寡拒敵於此非計也非據

宇治撤橋則背甲賀山待坂東兵兵若不至則乘輿幸

關東耳賴長不從上皇使平忠正源賴憲為義為朝平

家弘分守四門賴長議戰畧為朝進曰臣久在鎮而屢

履行陣利在襲不備臣請今夜藤高松殿縱火三面要

之一方縱兄義朝善戰臣一射斃之若平清盛等孱弱

直以鎧袖披拂耳乃取鳳輦徙此地奉陛下於禁內則

東方未明事已定矣辭氣慷慨無所回避賴長曰兩帝

爭國豈可輕易奉事哉嚮召興福寺僧徒料應黎明未

赴宜待其至而後戰為朝退曰阿兄曉兵機今夜必未

罷吾屬為虜耳奚暇明日用吉野法師与寧樂大衆哉

外史氏曰古人有言先人有奪人之心當是時也使
賴長用為朝之策未必不得志而賴長不從平治之
亂源義平勸藤原信賴要平清盛於安倍野義平之
之言固為奇策使信賴用之未必不得志而信賴
不從賴長信賴剛愎自用坐失機會欲不敗得乎雖
然彼二子者皆悖逆之臣禍敗自取何足道哉

帝果使義朝清盛乘夜攻白河殿兵勢甚盛為朝等距
戰不決義朝縱火攻之會西風揚沙煙焰漲天諸將不
能距平家弘_了弘馳入殿門呼曰火勢甚熾我軍不

可復支乘輿當速出宮上皇倉黃上馬而不勝騎藏人
平信實重騎扶掖賴長中流矢而薨上皇至如意山為
義忠正家弘光弘等從焉山路峻艱下馬徒步委頓不
能進上皇謂從者曰既敗自取汝輩無罪當速出降朕
疲困不得復行追兵至乞降耳衆固請從上皇曰汝輩
不去祇為朕累諸將鳴咽而去唯家弘光弘不肯去扶
掖下谷昏暮家弘父子遞負上皇至京師無敢舍匿者
夜深入智足院僧房進湯粥翌日薙髮至仁和寺覺性
法親王不內以狀聞帝遣式部丞源重成衛之尋徙于

讚岐重成防護過鳥羽欲拜陵重成不奉命帝用信西
謀陽定叛人竄流叛徒以為免死教長以下多祝髮為
僧為義忠正亦出降忠正者清盛叔父也清盛以為我
殺之則義朝勢當殺父遂誅忠正義朝固丐宥父死帝
怒曰清盛已誅忠正而義朝何得不誅為義哉義朝遂
使鎌田正清行刑又斬家弘已下子弟黨与七十餘人
弘仁誅藤原仲成後朝臣不處死刑三百四十餘年至
是廷議以為死刑久廢不當行之諒闇信西竊奏曰非
悉誅之恐生後患故子弟黨与一無宥赦時以為滔刑

詔遣左史生中原師信于南都發驗賴長墓詔僧觀曉
使重仁親王剃髮又詔遠流賴長子兼長師長隆長已

下十三人惟前關白忠實以忠通保護獲免初上皇屢

夢復祚每夢必禱焉至是帝遣人檢上皇東洞院書庫

有一匣封滕甚密發視之盡記夢也

保元物語

賴長亦素信

夢嘗得吉夢意竊自負焉

記令竟以取禍

外史氏曰夢之為祥也自古有之故周禮置占夢之

官以占吉凶然則夢果可信邪 崇德回之以致播

遷賴長回之以亡其身夢果不可信邪 神武回之

遷賴長回之以亡其身夢果不可信邪 神武回之

以平群兇

卷之七

三

已

垂仁因之以得天下然則夢果可信邪

請嘗論之夫夢者想之所生吉凶禍福未嘗不係於

其心之邪正也故心得其正則雖凶夢未必不吉况

其吉者乎心不得其正則雖吉夢未必不凶况其凶

者乎此吉凶禍福之所以異也若

則平日之所思念隨而夢焉安得為吉兆乎而君臣

恃此以興無名之師宜其取禍敗也

○秋九月以內大臣藤原實能為左大臣

之弟伊通宗通之子也

補

○冬十月復置記錄所參決

庶務○是歲敕五畿一造造大內

今鏡平治物語

○二年夏五

月左大臣藤原實能罷○秋八月太政大臣實行罷右

大臣藤原宗輔為太政大臣內大臣藤原伊通為左大

臣權大納言藤原基實為右大臣權大納言藤原公教

為內大臣基實忠通之子公教實行之子也○九月前

左大臣藤原實能薨稱德太寺

補

○冬十月大內成徙

御馬鏡白河以後大內圯壞朝儀廢闕鳥羽帝時闇白

忠通請繕治鳥羽帝慮致勞擾不許至是信西用事奏

帝修治之於是信西日夜計畫布等外聞愚管抄殿堂門

應諸司八省踰年而成又置記錄乃復內宴實錄所建

白也信西名通憲文章博士藤原實兼之子也博學宏

才練達事務歷事鳥羽崇德近衛三朝仕少納言薙髮

稱信西其妻以帝乳母帝特親信之物語平治○三年春正

月復內宴○夏六月觀相櫟保安以後相櫟節廢而不

行至是復之○秋八月帝禪位於皇太子在位四年政

元者一曰保元百鍊抄去位之後聽政院中如白河鳥羽

二帝凡三十餘年然帝性昏闇叛臣在側恬不之

省玉以故亂逆相踵武臣跋扈下室日昇無復綱維云

平治物語 皇太子立是為一條天皇

一條天皇諱守仁後白河帝長子也母贈皇后藤原氏

久壽二年立為皇太子至是受禪百鍊抄關白忠通罷以

右大臣藤原基實為關白公卿補任尊後白河帝曰太上天

皇帝王編○平治元年冬十二月權中納言藤原信賴

左馬頭源義朝奉兵反左衛門佐平重盛擊破之丁丑

信賴伏誅初信賴為上皇所寵稍預政請任近衛大將

上皇將許之信西諫曰大將重任也自非華胄不敢輕

皇朝通志 卷之七
授若信賴任之恐取禍敗願少留聖思上皇不悅信西
退乃圖唐安祿山事上之上皇未寤信賴聞之稱疾不
朝時大宰大貳平清盛結姻信西勢位稍踰我朝以故
義朝意懷不平居常缺缺信賴知之深自結納又与權
大納言藤原經宗右近衛中将藤原成親檢非違使別
當藤原惟方等陰相結欲乘隙而發會清盛如熊野信
賴遂与義朝等率兵夜圍上皇於三條殿縱火燒宮殺
傷甚多幽上皇於一品御書所遷帝於黑戶御所自為
大臣大將以義朝為攝磨守是日白虹貫日信西素善

天文推步入奏天變會上皇宴游不得而陳密告宮女
而出直走南都踰信樂山又見星變謂我不免乃穴地
自瘞用竹筒通氣息信賴遣前出雲守源光保索而獲
之斬首梟京師時義朝子義平勸信賴要清盛於安部
野信賴不從既而清盛聞變自熊野還竊遣非藏入藤
原尹明於大內為奉迎謀時經宗惟方亦悔黨賊勸帝
出宮帝著宮人服駕車出藻殿門遂幸六波羅上皇亦
變服騎馬幸仁和寺帝使清盛及子重盛討信賴義朝
大敗之義朝東走信賴潛至仁和寺求哀上皇上皇為

手書請宥其死帝不聽命斬之悉捕其黨禰友黨七十
餘人官職賞清盛重盛功授官進位有差自是清盛威
權稍熾初信賴之幽帝也矯詔召群卿左衛門督藤原
光賴束帶而朝時信賴列群卿之上光賴謂參議藤原
長方曰今日朝班何無位次直前坐信賴上信賴畏怖
色沮光賴厲色曰聞今日有旨召諸卿所議何事一座
皆不能對信賴竟不出一言光賴乃振衣而起召弟惟
方責其黨賊惟方悔悟与經宗等謀奉帝潛幸六波羅
官軍得無力者光賴与有功焉○永曆元年春正月源

義朝伏誅初義朝敗走東至尾張投長田莊司平忠致
家忠致待之甚厚義朝欲赴關東忠宗固留曰適值歲
首請過三日而發義朝從之忠致与其子景宗密謀殺
義朝及三日月夕為具湯浴伏壯士三人於浴室伺間刺
之時義朝從士金王執刀侍側以故不得發義朝求浴
衣久之不進金王自往取之壯士遂入刺殺之送首京
師梟之左獄義朝從士鎌田政家忠致女壻也從義朝
在其家亦為忠致所殺平治物語○立太皇太后藤原氏為
皇后后大納言公能女為近衛帝后帝聞其美納之群

臣皆以為不可上皇亦數為言帝不聽至是遂冊立之

時人謂之二代后

今鏡盛衰記

○三月流權大納言藤原經

宗於阿波參議檢非違使別當藤原惟方於長門

愚管抄盛

記經宗帝之舅惟方帝乳母之子也

乳母子據平治物語

以故二

人恃勢弄權嘗曰上當親政事不宜使上皇知焉上皇

素惡二人聞之大怒命平清盛曰彼二人間朕父子汝

為朕誅之清盛收之將寘死前關白忠通請減死遂流

之

愚管抄

由是二宮不協上皇所欲帝每反之時論譏焉

盛章

○流權大納言藤原經於伊豆帝上編平治之亂

朝令兄義朝長隨義朝而東止路遇大雪與義朝相

失為屋張守中賴盛家人平宗清所執送六波羅清盛

命囚之宗清家宗清待之甚厚密白清盛繼母池尼曰

囚人容止似故右馬助右馬助者池尼所生早亡故尼

聞而惻傷宗清謂賴朝曰耶君欲免吾為請之賴朝曰

父兄皆凶矣豈為僧以修冥福耳宗清復見池尼告以

賴朝之意尼使重盛乞之清盛不乃尼泣曰我為之寢

食失常命亦不久汝能為我請之重盛乃賴盛復請之

清盛不得已舍之遂竄伊豆嵯島清盛使伊東祐親北

條時政監之義朝舊臣聞其免死皆勸為僧獨額盛
安耳語曰郎君得脫神之所祐也可全形以待時變賴
朝領之及發上無聚觀曰之子風彩非常處之何地何
異放虎哉及後賴朝得志召盛安授以食邑每曰吾首
不斷池尼之恩吾髮不鬚者盛安之忠也平治○秋七
月內大臣藤原公教薨太政大臣宗輔薨○八月以左
大臣藤原伊通為太政大臣關白右大臣藤原基實為
左大臣職仍舊權大納言藤原公能為右大臣權大納
言藤原基房為內大臣公能實能之子基房忠通之子

補也任時綱紀漸弛舊章日廢伊通深憂之為意見一篇

上之其略曰聖主不棄人取其所長猶良工選材曲者
輪之直者轅之夫如此故世無遺才又曰治平已久上
下安逸若反側之徒乘時生心其禍難測臣聞嗟峨帝
引坂上田村麻呂將近衛逆徒落膽小一條院奉源賴
義曰河帝召平忠盛侍衛禁內皆所以備豫不虞也近
世宿衛無人雖藏人在安卧旁室召而無應者非所以
重聖躬也又曰帝王之學非謂善詩賦要知治體也君
學之以使臣臣學之以事君則天下自治若徒工詩賦

不達事情者無益國家世當有經濟之才請選而用之
凡人臣專為身謀而不通世務者朝廷之罪人也其言
皆切事務伊通○應保元年秋八月右大臣藤原公能
薨稱大炊御門○九月以內大臣藤原基房為右大臣
大納言藤原宗能為內大臣宗能宗忠之子也○二年
春正月前太政大臣宗輔薨○三月召還流人藤原經
宗○夏五月前右大臣源雅定薨雅定久安中拜內大
臣時藤原實行拜右大臣或往賀之車騎門士女操
作陳設其盛良久實行出見喜動顏色次詣雅定門庭

圓寂不見賀者俄頃雅定出接第曰大臣之職繁劇可
厭何賀之有人服其偉度今鏡久安中據公卿補任○六月前太政
大臣忠實薨○秋七月前太政大臣實行薨○長寬二
年春二月前關白太政大臣忠通薨世稱法性寺補忠
通性謹厚喜愠不形于色工詩歌尤能書嘗有乞寺傍
者忠通書与之既而關陸與押領使藤原基衡所求大
怒使人奪取之今鏡○秋八月崇德法皇崩于讚岐壽四十六世
寺據并始○初法皇抵讚岐松山遣官直島後徒志
稱讚岐院西錄

度鼓岡窮居僻遠居常無慘刺血書五部大乘經三年而成送之覺性法親王請藏安樂壽院親王為奏請上皇不許法皇大憲曰朕為懺悔親書佛經特修其福非為今生而不許藏之非但今生之仇實為地下之怨乃齧舌出血每軸書曰願為大魔王惱亂天下以五部大乘經廻向惡道自是不復削髮剪爪褐衣長巾纈頰瞋目慘悴骨立至是崩自後亂逆相踵世以為其崇教建廟春日河原係元物語曰栗田宮每歲奉祀焉編年○
冬閏十月關白藤原基實罷左大臣內大臣藤原宗能罷以

右大臣藤原基房為左大臣權大納言藤原經宗為右大臣權大納言藤原兼實為內大臣兼實基房之弟也
○永萬元年春二月太政大臣伊通源尋薨補大相國源○夏六月帝不豫大漸立皇子順仁親王為皇太子即日禪位百鍊抄在位八年改元者五曰平治永曆應保長寬永萬皇太子立是為六條天皇百鍊抄
六條天皇諱順仁二條帝第二子也百鍊抄母伊岐氏連
錄至是立為皇太子即日受禪百鍊抄以關白基實攝政
公卿補尊二條帝曰太上天皇顯廣○秋七月新院崩壽

二十三百鍊新院之葬也諸寺咸會興福延曆二寺爭

班構兵京師訛言上皇令僧徒討平清盛清盛子弟會

六波羅聚兵自衛上皇幸清盛第親諭之清盛稱疾不

見上皇還官謂侍臣曰浮言一出京師騷擾未審為此

言者誰也西光進曰大不言令民言之驕而無礼者天

之所惡平氏其亡乎侍坐者皆籍默而罷盛衰○仁安

元年春三月召還流人藤原惟方百鍊○秋七月攝政

基實薨補是為近衛之祖系以左大臣藤原基房攝政

補○冬十月立憲仁親王為皇太子百鍊憲仁親帝為

叔父帝年三歲而太子六歲昭穆失序朝野譏焉盛衰

○十一月攝政基房罷左大臣以右大臣藤原經宗為

左大臣內大臣藤原兼實為右大臣權大納言平清盛

為內大臣○二年春二月以平清盛為太政大臣大納

言藤原忠雅為內大臣忠雅家忠之孫也○夏五月太

政大臣清盛薨補○三年春二月帝禪位皇太子百鍊

稱新院時年五歲未冠之上皇自古無有○是春清盛

因疾薨髮更號淨海世稱太政入道盛衰帝在位四年

改元者一曰仁安皇太子立是為高倉天皇

皇朝史略

水府史臣青山延于著

男

延光校

高倉天皇諱憲仁後白河帝第五子也母建春門院仁

安元年立為皇太子至是受禪百鍊尊六條帝曰太上

天皇○秋八月以內大臣藤原忠雅為太政大臣大納

言源雅通為內大臣雅通雅實之子也公卿補任○嘉應元

年夏六月上皇薙髮清盛妻平時子皇太后之姊以故

清盛恃勢驕橫上皇稍疾之然力不得制積憤薙髮專

歸佛法盛衰

○二年春二月前內大臣藤原宗能薨王

補夏四月誅流人源為朝為人魁岸奇偉意氣

豪爽臂力絕人長七尺許左手偏長四寸最善射藝自

幼恃勇凌人年甫十三為義知其不可誨逐之鎮西為

朝居豐後稱鎮西八郎自稱九國總追捕使掠略九州

多行不法舉州來訴朝廷使為義召之不至保元久壽

二年敕太宰府捕為朝百鍊為朝遂率驍勇二十八人

至京師保元之亂屬崇德上皇及上皇敗為朝逃匿近

江輪田為源重貞所擒送京師廷議處斬滅死一等斷

臂筋而流于伊豆大島居五旬臂創悉愈引箭加長於

是自領大島及三宅八丈美計澳五島奪其租稅暴橫

日甚嘗航海至一島世傳為鬼島為朝以威服土人後

以一人歸按長門本平家物語云鬼界島有一二島五

沖繩之類總稱曰鬼界島沖繩即琉球之地中傳信

錄稱屋其意是也又按元享紀書云古者以琉黃為

人之國據此古者稱琉球諸島為鬼島從可知至是命

狩野介藤原茂光討之為朝剗腹而死傳首京師保元

○五月以陸奧人藤原秀衡為鎮守府將軍藤原兼實

歎曰以奧夷任此職可謂衰替之甚也秀衡基衡之

子也

東鑑

○六月太政大臣忠雅薨○冬十二月以攝政

基房為太政大臣○

承安元年夏四月攝政基房薨

政大臣

玉海補任

○二年春二月立女御平德子為中宮德

子清盛女也○

秋九月宋明州刺史上書獻物稱謂無

禮下群臣議之大外記清原賴業曰朱雀一條之時彼

所贈牒狀稱呼無禮卻而不受承曆中所贈亦曰賜日

本國而受之時論非之况今所贈明州刺史而非宋主

乎古昔使聘相通用敵國禮而今受非礼之信恐虧國

體不聽賴業傳學通典故每有咨議援引古今辨析精

覈多見采用

玉海

嘗表出中庸於礼記中自為之註賴業

與宋朱熹同時新註未傳本朝自然暗合人以為奇

富康

記事德三年

○冬十二月以攝政基房為關白○三年春三

月法皇贈書及染革三十張沙金二百兩于宋

玉海

○安元元年春二月內大臣源雅通薨○冬十一月以大納言

藤原師長為內大臣

補任

○二年秋七月六條上皇崩壽

十三

玉海衰記

○治承元年春三月以內大臣藤原師長

為太政大臣大納言平重盛為內大臣

玉海補任

○夏四月

京師火延及大內太極殿八省院悉皆蕩盡

玉海百鍊抄盛衰記

○六月清盛殺西光（平語盛）流權大納言藤原成親於備前右近衛少將藤原成經檢非違使平康賴法勝寺執行俊寬於鬼界島初成親有寵於法皇僥覬近衛大將而清盛起授子宗盛成親忿懣于藏人源行綱及康賴西光等謀滅清盛數會議俊寬鹿谷別莊法皇欲臨之僧靜憲諫而止既而行綱負約密告之清盛清盛收西光鞠之具得其實斬之於朱雀巷流成親父子及其黨与將幽法皇於鳥羽以重盛切諫而止自是法皇与清盛猜隙益甚（平語盛）○秋七月奉謚讚岐院曰崇德天皇置

國忌贈故左大臣藤原賴長太政大臣正一位（王海白）

○清盛殺藤原成親（盛衰）○冬十二月彗星

見東南（王海白）○二年夏六月將軍塚鳴（山槐記）初桓

武帝遷都平安造士偶人長八尺衣以鐵甲手弓箭埋

之東山以鎮護京師謂之將軍塚天下有事必震動○

秋七月召還流人藤原成經平康賴（平家物語）○冬十

二月立言仁親王為皇太子（王海白）○右京大夫源賴

政叙從三位（補）賴政賴光五世孫兵庫頭仲正之子也

天資英敏有武略善射藝工和歌（盛衰）嘗夜有鸚鵡鳴宮

屋上帝命賴政射之一發中之帝及侍臣皆嗟賞焉訓

抄○按平家物語盛衰記或為二條帝時至是清盛憐或為鳥羽帝時未詳孰是今姑從十訓抄

其衰老為奏叙從三位時人異之王○三年春二月內

大臣平重盛王補任○秋七月將軍塚鳴動地大震盛衰

記○前內大臣平重盛薨王重盛資性忠恪沉毅有度量中外屬意嘗啓事中宮有蛇至膝下恐其驚中宮徐

捉其首尾以懷蔽之召藏人源仲綱授之仲綱受之而

出宮中終無知者其性度如此時清盛專政跋扈日甚

重盛憂之屢陳爭執暴為之少息至是病篤會醫至自

宋清盛勸令治之重盛辭曰命者天之所賦治療何為

重盛具位大臣不可私見異域浮浪之客竟不見焉薨

年四十三○冬十一月地大震○清盛積怨法皇率兵

數千至自福原京師騷擾法皇遣中使諭之清盛不釋

罷前關白基房奪前太政大臣師長權大納言源資賢

以下親近法皇者三十九人官職遂貶基房為太宰權

帥流師長于尾張又遣宗盛圍法住寺殿幽法皇于鳥

羽宮平家物語盛衰記○四年春二月帝讓位於皇太子王百鍊

抄自清盛跋扈法皇幽閉帝常憂之有去位之志至是

遂內禪王海盛

帝性仁孝

盛衰記

受學清原賴業才藻

英發

禁秘

初帝幼時有獻楓樹者帝極愛之命藤原信

成守之一日仕丁將飲酒剪枝為薪以煖酒信成見而

大驚收仕丁將寘之罪會帝使信成上其樹信成具奏

其狀叩頭請罪帝從容曰唐詩有云林間煖酒燒紅葉

誰教仕丁作此風流無復所問盛衰記嘗夜聞婦人哭聲

使人問之曰妾主婦素貧製一衣極艱今新製朝服而

為盜所劫奪欲再製之則力不能辦妾無辭以反命是

以泣其人還報帝惻然曰朕聞堯民以堯心為心今朕

不德使人為盜是朕之耻也乃召女子問其色樣賜中

宮御衣而遣之其仁恕如此盛衰記在位十三年改

元名四曰嘉應承安安元治承皇太子立是為安德天

皇金鑑

安德天皇諱言仁高倉帝第子也母建礼門院治承

二年立為皇太子至是受禪年三歲金鑑以關白內大

臣基通攝政公卿夏四月即位於紫宸殿下海石五

月法皇第二子以仁王金鑑前兵庫頭源賴政起兵謀除

清盛不赴而死初賴政子仲綱有駿馬名木下平宗盛

請觀之仲綱斬而不与賴政聞之命仲綱送之仲綱不得已而与之既而請還宗盛怨之人會賓客觀木下呼曰仲綱仲綱聞而憤怒賴政亦不平之常伺其隙以圖滅平氏時清盛兇逆日甚幽閉法皇以仁王高倉帝庶兄素有英名然以母無寵年長不冊親王鞅々不得志賴政以為可奉為義主夜竊詣王第說曰大王法皇之子縱登武極有何不可今英齡三十未為親王僕竊為王憤焉今淨海凶暴侵侮至尊憑凌朝貴愛憎任心黜陟由已神怒人怨其亡無日大王上應天心下副人望

舉義誅逆其孰不從之僅年踰七旬齒力雖衰而宗族衆多足以衛一方大王一下令旨則四方諸源鄉響應不踰旬月而平氏可滅也時不可失願大王熟計焉上聞其言慨然許之乃遣藏人源行家齎令旨諭諸國以聲清盛之罪至是謀泄清盛与廷臣議流以仁王於土佐清盛初不知賴政為首謀令其子檢非違使兼綱等圍以仁王高倉邸兼綱馳使告賴政賴政乃勸王遁于園城寺賴政勸王以下平家物語率仲綱兼綱等從王于園城寺使僧徒牒於延曆興福二寺請援二寺應之既而延曆寺

背約南都僧兵未至賴政議曰以寡擊衆無如夜攻今夜先使寺中羸弱一二千陣于如意峰遣步兵一條河原縱火民家則平氏出而距之令我兵誘敵退于岩坂櫻木乘間遣精銳四五百縱火燒六波羅茂不克矣僧徒皆從其計時有僧真海者獨黨平氏異議移時比出兵天已曙計竟不成賴政遂奉王赴南都王困睡墜馬者六駐軍憩於宇治平等院清盛遣左兵衛督平知盛藏人頭平重衡等將兵二萬餘擊之賴政撤橋待之足利忠綱率騎三百亂流而進賴政與僧徒力戰距之

賴政中流矢兼綱戰死賴政勸王赴南都乃入平等院自裁年七十七王逃至井手渡亦中流矢而薨平軍傳首京師初賴政之撤宇治橋也平知盛等來攻不得前兩軍阻水互射園城寺僧徒有筒井明春者輕捷絕倫射斃十餘騎既而矢盡執眉尖刀趨走橋架如履平地其徒有一來法師者亦趨勇善戰跳踰明春頭上進斬敵兵觀者駭歎於是渡邊省等繼進平軍叢射矢下如雨後中院但馬奮刀截飛矢進殺數人平軍披靡不敢進會足利忠綱絕流而濟平軍繼進賴政兵遂敗○安

信泰親時明五世孫也善天文雜占任陰陽頭先是京
 師地大震泰親奏法皇曰咎徵不細其應在近未爾旬
 清盛幽法皇於鳥羽褫朝臣官爵至是法皇在鳥羽忽
 有大鼬至前遭廻數次跳躍而去法皇惡之使人問之
 泰親占之曰三日內當有慶後必有憂居三日清盛遷
 法皇於八條鳥羽九防禁漸弛既而以仁王起兵法皇復
 遭幽辱世服其術焉盛衰記 ○六月清盛遷都攝津福原
 車駕發京師清盛常惠都城鄰於叡山南都而僧徒屢
 犯京師欲遷都于福原至是遂徙焉盛衰記 保曆間 時宮殿

未成權以弟賴盛第為皇居先是清盛以宗盛之諫徙
 法皇於八條鳥羽稍寬其禁至是又遷法皇於新都幽
 於板屋禁防益密人呼曰牢御所盛衰記 ○秋八月伊豆
 流人源賴朝奉以仁王令起兵殺目代平兼隆東鑑初
 僧文覺坐事配流伊豆自稱善相人一日見賴朝曰我
 周流四方閱人多矣然未見相之極貴若公者公須首
 唱義舉復舊讎雪前耻賴朝心竊喜之然慮其狡譎適
 為身累唯唯遜謝而已文覺悟其意於懷中出一枯骸
 詐稱義朝首曰我在獄日盜而藏之使我不遭流竄公

豈得親見公哉因潛然泣下賴朝亦聞其言嗚咽歔歔
至是遂決意舉兵不家物語遣安達盛長集兵東國伊
豆相摸蒙傑來附者眾東鑑○九月賴朝進陣石橋山三
浦義澄等後期不至從兵僅三百餘人以王令旨繫之
旗上相摸人大庭景親率兵三千來攻賴朝兵皆殊死
戰時大風甚雨眾寡不敵賴朝遂敗走東鑑初賴朝
起兵遣安達盛長傳檄於平廣常廣常應之至是賴朝
奔于上總使和田義盛召廣常廣常訖以徵兵未集不
至數日始帥兵二万來會賴朝怒其後至不即出見使

土肥實平實平謂讓其遲緩曰當在後軍以待指臂實平退
謂人曰賴朝敗績兵勢寡弱吾今將大兵來會以為其
意必喜而責讓乃爾其度量過人遠它日必為天下大
將軍矣遂傾心事之○源義仲起兵信濃義仲為義之
孫也父義賢居武藏為姪義平所殺時義仲僅二歲義
平慮其為後患囑畠山重能搜捕殺之重能憫其孤弱
不忍殺之託之齋藤實盛時東國人士多義朝部曲實
盛度其終不可免送之信濃託權守中原兼遠兼遠傾
心鞠育處之本曾山下義仲幼而雋異深慨宗族之哀

微有圖平氏之志嬉戲常習武技東鑑盛父長容貌瓌

偉齊力絕人尤善騎射盛衰記長門屢往來京師伺察

平氏及得以仁王令遂決策起兵應賴朝兼遠令義仲

依土豪根井幸親移檄四境募兵下野足利甲斐武田

上野那和等率兵來附聲勢日熾平家物語先是朝廷

敕右近衛權少將平維盛薩摩守平忠度參河守平知

盛等將兵五千餘騎本書作五萬餘平家物語發東海東

山二道兵討賴朝冬十月維盛等進軍富士川初維盛

平家物語將踰足柄山就平河以待敵前將

患清曰今伊豆駿河兵猶未來附率鳥合之衆遠踰險

岨甚危道也不如臨富士川張軍維盛從之平家物語進陳

富士川賴朝至黃瀬川兵號二十萬官軍聞之將士兇

懼無復鬪志會水鳥夜驚噪以為敵兵大至軍中騷擾

自相踏藉棄器械輜重而走維盛等逃歸清盛大憤恚

平家物語○初源義朝納妾常磐生三子曰今若乙若

牛若平治之敗常磐携三子自詣六波羅請就刑清盛

悅其容色遂納為妾宥其三兒後使今若乙若為僧以

牛若附鞍馬寺僧覺日改名遮那王年甫十一適閱諸

家譜牒慨然以為我世將種而流落至此如至長大必當剪滅平氏以雪父祖之耻於是晝讀書策夜習武技常日勸之披剝不肯常欲往陸奧依藤原秀衡時有金商吉次者往來陸奧每至京師抵鞍馬遮那王密与之約俱赴關東至近江鏡驛自加首服更名義經稱源九郎平治物語遂往陸奧依秀衡秀衡厚遇之及賴朝舉義義經欲赴伊豆秀衡不許義經潛逃出陸奧秀衡追遣壯士佐藤嗣信其弟忠信等從之東鑑至是義經率二十餘騎會賴朝于浮嶋原賴朝大喜曰吾得見子猶見先君

也相對感泣

平家物語盛衰記

○賴朝定居鎌倉遷紀鶴岳宮

於小林鄉賴朝以其先出皇室尊崇八幡以為祖宗初賴義之討安倍貞任也創八幡社於此鄉至是賴朝移建焉崇奉甚至東鑑○十一月新都宮成帝徙御焉延

曆寺屢上奏請還舊京清盛集百官議兩京利害眾皆

承意盛稱福原之美左大辨藤原長方獨抗議以為不

便清盛不懌而罷

本書長方作宗房誤今按續古事談訥之

俄而清盛奉帝

及法皇還舊京

盛衰記

長方為人剛直當事敢言無所回

避

玉海盛衰記

初賴朝之起也帝召群臣議長方進言曰賴

朝奉_中於_中力_中而四方應之斯政事不協天意之所致也_中使法皇聽政如初基房復職行德政以收人心則_中幾_中天意可回禍亂可弭矣聞者皆失色清盛意頗悔_中悟_{善聞}長方中納言顯長之子也_補○十二月法皇徙平賴盛第与上皇同居清盛不復禁近_中入侍獻美濃讚岐請聽政如故_{五海盛}○召還前關白基房○自維盛敗歸後東海北陸諸源兵勢益振前右兵衛尉山本義經及弟栢木義兼亦起兵近江應賴朝義經源義光五世孫善弓馬先是為平氏所讒構配流佐渡後赦歸

下是奉兵清盛遣知盛等討破之義經奔鎌倉_東又遣重衡率兵數千討東大興福二寺重衡縱火燒之_中海_中物部盛_中○新田義重上野人源義家孫式部大輔義國之子也叙從五位下為大炊助居新田郡稱新田太郎賴盛號上西_國賴朝之起兵也東國將上木集遣書義重招之不至恃其門閥有特立之志集兵據矢尾城至是賴朝遣安達盛長招之義重始來歸焉_東○養和元年春正月上皇崩壽三十一上皇寬仁愛物及崩朝野莫不哀惋法皇歎曰使上皇在位久長則延吾天曆之

治可以復觀而平年昇遐非特朕之不幸亦國家之不幸也

時帝幼冲法皇復聽斷萬機
百鍊抄歷
○二

月先是尾張驛言源行家將兵數千徇美濃尾張至是遣左兵衛督平知盛中官亮平通盛左近衛少將平清

經薩摩守平忠度等討行家

平知盛斬

前武藏權守源義基傳首京師虜義基弟義資義廣下

左獄

知盛還京師
○閏月前太政大臣清

盛鼎初清盛聞關東兵起遣經盛知盛等討之或逗撓

或病還竟無成功清盛益忿患使宗盛赴東關未發會

清盛得疾身熱如火貯水石槽澡浴取冷水涌成湯病

勢日劇其妻時子見其不可起問所欲言清盛大息曰

我位極人臣身為國家外祖奚求之有所恨不見賴朝

首而死尔為我子孫者宜體是心也展轉煩躁七日而

薨年六十四清盛子弟皆為公卿守領郡國過大下平

富埒王室天下政事皆出其意橫暴驕溢上下苦之知

其有議己者簡童子三百人以為耳目斷髮詭服執梅

技臂小鳥出入禁門徃來街市伺察隱伏凡所見聞皆

歸報之清盛聽信其言淫刑濫罰無所不至道路反目

呼曰惡童騎乘者皆避之其孫資盛嘗出遇攝政基房
不下車基房從者責其無禮而辱之清盛聞而大怒乃
伏甲士於路覘基房出擊破其車載從者皆以報之其
橫暴如此平家物語初清盛有疥愛馬一日鼠巢其尾
清盛使人問安倍泰親泰親答以宜戒慎竊謂所親曰
此平氏敗亡之兆也子北方之位午南方之位以陰侵
陽下剋上之象將有北兵陷京師平氏奔竄之禍矣後
果如其言盛衰記○藏人頭平重衡將兵少餘濟院宣諭
東國討源賴朝○三月平重衡平通盛平維盛平忠度

等与源行家戰于墨俣川大破之斬僧義圓獲首千餘
級行家僅以身脫玉海東鑑義圓行家之子也東鑑○
為賴朝弟○夏六月平宗盛令越後人城資永擊源義仲資
永率兵六万分為三軍自將四万進陳橫田川義仲逆
戰不利謂其將井上光基曰彼眾我寡當以計破不可
以力勝汝宜樹赤旗以誘敵兵彼必以我為洲兵來附
不設備汝速易旗幟以擊之吾濟河艤之衷敵軍前後
夾擊蔑不剋矣光基從之資永果不設備俄而光基易
旗幟直進義仲濟河急擊之敵兵狼狽赴水而死資永

奔出羽

盛衰記按平家物語以是為長

○秋八月詔中

宮亮平通盛

但馬守平經正討源義仲

東○以藤原秀

衡為陸奥守城資永為越後守討源賴朝源義仲

五海盛衰

記

○九月平通盛与源義仲戰于越前大敗○遣左馬

頭平行盛薩摩守平忠度率兵数千援平通盛○冬十

一月上中宮號曰建礼門院

五海

○壽永元年夏六月攝

政基通罷内大臣○冬十月以大納言平宗盛為内大

臣

五海補任

○二年春二月内大臣平宗盛罷

平家物語補任

○夏

四月以大納言藤原實定為内大臣

五海

實定之子

也

傳中分脉

○遣右近衛中将平維盛中宮亮平通盛等率

兵十方討源義仲五月維盛与諸將議分兵三方向志

雄山親將兵七方向砥波山義仲率兵五万余進陳于

黑坂使叔父行家攻志雄山維盛等以為地勢峻絕北

兵艱於攻圍乃結營獵馬場与北軍相接其夜義仲集

牛数百繞出其陣後縛炬牛角策而縱之軍士鼓譟隨

之聲震山谷平軍崩潰爭赴南壑投崖而死者万余人

維盛纔收餘衆奔于加賀

盛衰記

○六月平維盛平通盛

等与源義仲戰于篠原敗績維盛等逃歸

五海盛衰記

○齋

勝其先越前人實盛遷武藏長井嶺齋藤別當

系

實盛嘗事源義朝義朝敗後事平宗盛維盛之討義仲

也宗盛令實盛從之實盛請曰此役也臣必効死越前

臣之鄉里願得衣錦襖以為身後之榮宗盛許之篠原

之敗實盛獨止奮鬪為義仲麾下手塚光盛所獲光盛

以首視義仲曰臣得一奇男子首以為將則非將以為

士則著錦襖問其姓名終不告第曰視木曾殿義仲熟

視曰噫此齋藤別當乎我幼時見之其髮既皓而今鬚

髮皆黑也

潛然曰此實盛也實盛嘗曰吾年老力衰取侮仕者他

日臨陣當塗鬚髮以伍仕者今果踐其言乃洗之鬚髮

皓然義仲感其舊恩為之掩泣命葬之實盛時年七十

三盛平家物語秋七月源義仲入源行家將兵自東山

北陸二道並進據延曆寺法皇夜出宮潛幸延曆寺平

宗盛奉帝及建禮門院擁神黑奔西國義仲等入京師

法皇以義仲為伊豫守行家為備前守並叙從五位下

○八月車駕至太宰府法皇以京師無主更議所立義

仲稱故三條宮功以仁王或稱三條宮欲立其子北陸宮時高倉

皇子中貞尊成在京師法皇欲擇二皇子而立之乃命
元龜守貞吉法皇寵如用波勸法皇立尊成法皇頗惑
焉遣使諭義仲義仲固執前議法皇難違其意再卜之
尊成吉遂立之是為後鳥羽天皇

玉海盛
衰記

初帝之播遷

也法皇諭宗盛還車駕於京師宗盛不奉詔時右大臣
藤原兼實上言天下不可一日無主而曠位至今兆民
無所繫心頃者盜賊數起里閭騷擾職是之由此宜立
主一也平氏挾帝號令天下吾無主而討之師出無名
此宜立主二也祖宗之制無劍璽則不得即位按國史

繼體帝即位已前攝天皇稱踐祚及得劍璽乃即大位
与今事正相類可以準據此宜立主三也有是二宜不
早定策何以塞乱原而遏姦軌矣法皇嘉納遂立後鳥

羽帝

玉海

外史氏曰當養和帝之播遷而海京師無主藤原
兼實勸法皇立後鳥羽帝其言以謂朝廷無主
而討平氏師出無名蓋兼實以立主為處權之宜殊
不知其所以處權者適足以開乱原長厲階當是時
為之計宜速命將出師以迎鑾輿使平氏之徒知

法皇曠位而待 帝安知其不悔過而還變興於京
師哉萬一變興不還有意意外之變然後立上京師庶
幾得處變之宜矣不計出此速立新主不知止閭所
係何以異於元魏孫騰說高歡而立廢帝哉延元以
後南北分為兩統由兼實作備可不哀哉

○九月尾形維義反犯太宰府平宗盛奉帝至讚岐造
行宮於屋島四國將士咸來屬盛衰 ○初源義仲以議

不行大忿恨自是漸驕恣縱兵侵掠京師驩然法皇將

源賴朝於京師義仲不悅賴朝遣使於義仲欲討已

且陳身不入京師便宜於是法皇欲賜義仲上野信濃

二國以弭其橫暴使賴朝義仲和解乃諭其意於賴朝

賴朝亦請領東海北陸東山三道敕從其請然憚義仲

不許北陸道海命義仲討平氏盛衰 ○冬閏十月左近

衛權中將平重衡越前守平通盛能登守平教經將兵

七千戰艦二百艘與源義仲將矢田義清高梨高信海

野幸廣等戰于水島大破之獲首一千二百級平家物語盛衰

義仲欲進攻屋島適聞賴朝遣義經師兵數万入京

師引兵還京師法皇遣使止之義仲不奉詔海義仲驕

肆滋甚十一月新帝幸法住寺殿法皇徵延曆園城二寺僧備義仲暴橫義仲遂犯法住寺殿縱火燒之新帝幸閑院法皇遷攝政基通弟義仲請法皇罷攝政基通內大臣藤原實定以權大納言藤原師家為內大臣攝政視法皇親臣藤原朝方及文武諸司諸國守數十人官職玉海盛衰記○平知盛平重衡將兵一萬于源行家戰于室山大破之斬首百八十級先是賴朝義仲互生嫌隙義仲以水島室山之戰東兵累敗平氏勢益振乃欲手之連和共擊賴朝密遣書屋島達其意來盛喜欲許

之知盛固爭而止

平家物語盛衰記

○十二月法皇使義仲總

領平氏故地以悅其意義仲請討賴朝院宣法皇許之

吉記百鍊抄

○是歲召還前太政大臣師長歷代皇統按盛衰記作治平四

年今從本書

○三年春正月法皇以源義仲為征夷大將軍

東鑑職原抄按玉海百鍊抄作東征記

源賴朝使弟範賴義經將兵六萬

討義仲範賴從勢多義經從宇治分兵二道並進義仲

使今井兼平根井行親等撤宇治勢多二橋距守義經

進至宇治號令厲衆士氣百倍佐佐木高綱梶原景季

單騎爭先亂流而濟畠山重忠率五百騎繼之義經至

橘小島謂衆曰此流雖迅而水稍淺汝等須從此渡乃先衆而進兵上繼濟上岸大戰無不一以當百北兵敗走範賴亦濟供御瀨兩軍合勢義仲大敗馳至粟津馬渾而止遂為追騎所殺年三十一義仲有妾曰韋繪中原兼遠女也美而勇悍善武技每戰別將一部北國之戰屢破敵兵及義仲敗走東兵追擊韋繪距戰甚力東兵披靡義仲至四宮河原從騎裁七人韋繪在焉時遠江人內田家吉督力絕人与韋繪接馬交搏韋繪直捉其首斷之時親義仲義仲憫然曰是子以勇名冠八州

命之窮也為女子所獲吾亦不知其死誰和異日人將

謂義仲臨死猶携女子適足累名汝自此去韋繪固請

從義仲不許韋繪嗚咽而去平家物語○法皇罷攝政

內大臣師家復基通攝政藤原實定內大臣上海補作○二

月平宗盛奉帝遷自屋島據一谷城其地北限山南至

海廣袤三里包福原故都一谷為西門生田森為東門

山陽南海十四州悉屬之兵勢大振盛衰記法皇使源範

賴源義經討平氏義經進至三草山嚴古近衛中將平

資盛破之資盛走屋島義經範賴進犯一谷官軍大敗

平重衡就虜平通盛平忠度平知章平師盛平經正平
經俊平業盛平敦盛平盛俊平家長平有國死之宗盛
倉黃奉帝泛海奔屋島東鑑平家物語盛衰記初義經使土肥實
平將兵七千攻一谷城西門自帥精銳三千踰鉢伏峯
進至蟻戶徑路險惡不得前使土人鷲尾經春為鄉導
進至鴨越崖壁斗絕義經先下鞍馬數匹試之或傷或
無恙義經視之曰使馬自下猶如是騎者如意何有墜
傷之虞汝等宜以我騎為準先衆而進衆皆魚貫而下
車自城後嚴之晴平軍防東西門城後崎嶇不設備及

義經至軍遂驚潰義經縱火燒營烟焰漲天範賴實平

之兵亦破東西門內外夾攻平軍大敗盛衰記○夏四月

京師改元元曆玉海百鍊抄○六月法皇復平賴盛及光盛

官爵初平治之敗源賴朝以池尼言得免及後討平氏

遣人諭賴盛以故賴盛獨留京師既而賴朝致書招賴

盛及平宗清賴盛乃語宗清欲与俱宗清曰君將兵征

討臣敢不煎駟今平氏覆敗闔族流離而挾舊東行受

報賴朝獨不愧于心乎遂辭不往賴盛至鎌倉賴朝厚

遇之至是遂奏復其官爵東鑑盛衰記○秋七月新帝即位

皇朝通志 卷之八
於太政官廳右大臣藤原兼實上言曰祖宗之約必傳
劍重無劍重而即位自古及今未之有也今憂賊徒猖
狂輒行即位是示輕神器於天下也臣恐後世藉口僭
竊不絕非獨繫當今之國體也攝政基通左大臣藤原
經宗亦諫法皇不聽○秋八月法皇以源義經任左衛
門少尉補檢非違使王尋叙從五位下聽昇殿初賴朝
奏龜嶺為參河守而至義經忌其功不奏以補官至是
朝廷特錄其功遂有是命賴朝益忌之東鑑○四年春正
月蚩尤旗見東方長二丈王○法皇命源義經討平王

二月義經入尼子浦虜守將櫻岡良連進攻勝浦櫻岡
良遠棄城走盛衰記初義經治舟師於渡邊福島時將佐
多東國人不習水戰群議嗷嗷半家物記惟原景時以監軍
事從請設逆櫓義經曰何謂逆櫓景時曰設櫓於艫謂
之逆櫓陸戰用馬進退從心至于舟師進易退難今設
逆櫓進退如意義經曰以勇率眾猶欲退安有逆設
走計者景時曰知進而不知退是謂稀勇所以取危也
義經作色曰我以奮擊殄敵為快逆櫓千百於卿等任
意我則不敢景時由是怨義經既而義經解纜將赴屋

島時大風，篙師皆止之。義經曰：「兵法：敵不虞，今日彼必無備。」收諫者斬篙師，相謂曰：「發亦死，不發亦死。」等死不如馳死。乃發時，集船數十隻，發者唯五艘而已。兵裁百餘，海上三日程，未過三時至。尼子浦遂得大捷。義經進犯屋島，平宗盛奉帝泛海。義經縱火燒行宮，帝次志渡。義經犯志渡，帝幸緒崎。三月大戰于壇浦前，內大臣平宗盛、權大納言平時忠、右衛門督平清宗等被虜，中納言平教盛、權中納言平知盛、參議平經盛、右近衛中將平資盛、左近衛少將平有盛、左馬頭平行盛等死之。

帝崩於壇浦，壽八歲。

平家物語
盛衰記

初壇浦之戰，知盛求帝

船見二位尼尼曰：「宗盛非相國之胤，必為囚虜矣。」果如其言。初尼視宗盛庸劣，不勝負荷。竊語侍御曰：「我生重盛後，不復有男。後會有身，欲其為男而終生女，適清水寺北坂傘工生兒，因容易之，我終不言之。至此不勝悲憤。」始言之，即抱帝挾劍重同瀨島。太后亦投於海。義經部兵渡邊，肥以鐵搭鉤之，送之。義經船兵士亂入御船，內侍所韓攢目眩而止。神重亦浮出片岡，經春救之。

盛衰記

在位六年，改元者二，曰養和、壽永。

後鳥羽天皇諱尊成高倉帝第四子也母七條院百鍊

壽永二年平宗盛本養和帝走西海八月法皇立帝

為皇太子即日踐祚於閑院海土時年四歲法皇專決万

機不傳神器而踐祚自古未有也盛衰元曆元年七月

即位於太政官廳文治元年三月源義經大破平氏於

壇浦養和帝崩於海○夏四月源義經奉建礼門院及

鏡軍入京師○源賴朝以勦平氏功超叙從二位○五

月遣源義經押平宗盛清宗等赴鎌倉玉海盛義經之

在西海也頗不循賴朝節度梶原景時因譖之賴朝於

是賴朝不聽義經入鎌倉義經留服越驛作狀曰大江

廣元陳情賴朝竟不見東鑑○六月流平時忠于能登平

信基于備後平時實于周防○地大震東鑑○平宗盛

平清宗平重衡伏誅宗盛之至鎌倉也賴朝引之別室

隔簾而見之盛衰令比企能負傳命慰勞宗盛宗盛苦

祈宥死東鑑賴朝不忍致刑欲其自裁盛魚俎上置刀以

示之宗盛竟不之曉賴朝又令義經護送京師義經至

近江篠原斬宗盛及清宗傳首京師盛衰○初重衡之

被執也賴朝遣梶原景時檻致於鎌倉賴朝引見使景

時傳命重衡意怒景時將命乃勵聲謂賴朝曰命窮至此請速斬首賴朝乃厲工藤宗茂善遇之平家物語又盛衰記遣侍女千手及藤原邦通工藤祐經饋酒肴慰之祐經擊鼓歌今様千手彈琵琶重衡取笛吹五常樂曰是為後生樂又吹皇轡急曰是往生急也夜闌宴罷重衡留千手勸酒朗詠一曲曰燈暗數行虞氏淚夜深四面楚歌聲聞者莫不感歎東鑑至是賴朝令義經護送京師法皇命藏人源賴兼送之南都使東大寺僧徒殺之僧徒不受因斬之奈良坂与首僧徒盛衰記○秋七月地大震

地拆水涌踰月不止玉海百鍊抄○八月以源義經任伊豫守兼院廐別當義經薄其賞益怨賴朝盛衰記時叔父行家亦与賴朝不協匿居京師与義經密相往来東鑑○法皇幸南都慶東大寺大像○初壇浦之戰太后在義經舟賴朝疑与之姦且其補檢非違使聽昇殿皆非賴朝意源景時屢言其有異志賴朝益忌之遂圖除之冬十月賴朝遣土佐房昌俊于京師謁義經堀川第示克昌俊敗死義經至法皇宮迫請討賴朝之詔法皇不得已下院宣討賴朝盛衰記時右大臣藤原兼實議曰追

討之詔不_レ宜輕上宜敕賴朝曰義經有罪則當敗之鎌倉而誅之不宜_レ援京師也儻無心殺之須釋_レ鐵斧之憾全_レ慈親之恩戒救如此而賴朝不奉詔則_レ義經之違教以聲其罪恩威並行國憲益張矣不聽遂賜院宣_海外史氏曰甚哉法皇之不明也方義經之請院宣使法皇用兼實之言安有取怨於鎌倉而納侮於天下哉且賴朝果有罪邪不宜_レ與以殊賞賴朝果無罪邪不宜_レ加以刑戮夫刑賞_レ與奪國家之大柄人主所恃以為治者也朝賞而久罰前_レ與而後奪使人不

知所適從法皇之舉措如此紀綱安得不壞朝廷安得不衰宜乎祿去王室而權歸人臣也藤原俊兼以法皇比晉惠帝良有以也

賴朝聞之親率諸將擊行家義經進至黃瀬河十一月義經_{東鑑}與行家走鎮西賴朝聞之還鎌倉義經之在京師也專以循謹奉上威恩並行士庶稱之及去人皆惜焉行至攝津河尻州人多田行綱等帥兵要之義經行家擊破之進至大物浦會大風暴起舟船漂蕩義經与行家相失不得赴鎮西_{盛衰記}走趣大和匿吉野山○法

皇敕諸國捕行家義經東鑑賴朝遣北條時政守護京師

用大江廣元議使時政奏曰行家義經逃亡難輒搜捕

若隨聞發兵則郡國虛耗其費不貲請諸國置守護社

園置地頭就所在逮捕則可不勞而自定矣常賦之外

計畝課兵糧自是兵權歸鎌倉朝廷失控馭之術矣東鑑

盛衰○十二月大藏卿高階泰經刑部卿藤原賴經等

坐黨源義經源行家奪官尋流泰經于伊豆賴經于安

房東鑑○二年春三月攝政基通罷以右大臣藤原兼實

攝政補任百○夏四月召還流人高階泰經藤原賴經

百鍊抄○五月初源行家發人物浦遣風漂著和泉東鑑

記漂著和泉匿民舍平時定收斬之并其子光家傳首鎌

倉東鑑○冬十月攝政兼實罷右大臣以內大臣藤原實

定為右大臣權大納言藤原良通為內大臣良通兼實

之子也補任百三年春二月復置記錄所夏四月謚養

和帝曰安德天皇○秋七月遣使長門求寶劍於海中

百鍊抄○九月前皇太后宮大夫藤原俊成上十載和

歌集本書俊成權中納言俊忠之子也善和歌系與藤

原清輔鴨長明姪定長亦善和歌剃髮稱寂蓮明

記○四年春正月內大臣兼左近衛大將藤原良通薨

補○二月先是源義經逃至陸奥依藤原秀衡無何秀

衡卒至是敕秀衡子泰衡執致之東初義經有弟曰靜

本京師之倡也以善白拍子得寵義經盛又義經去

京師從匿吉野山義經与之金寶使人護送京師送者

奪金寶而去山僧捕靜送京師是春賴朝召致鎌倉問

義經所在靜固陳不知賴朝以其有身留之政子聞其

善歌舞欲召而觀之稱疾不至既而賴朝与政子詣鶴

岳社召靜命舞靜固辭不可賴朝強之再三靜乃罷勉

起舞其曲詞意無非思慕義經者觀者感歎一日鎌倉

幕僚訪其旅舍讌飲梶原景茂乘醉戲之靜垂涕曰豫

州將軍之弟也豫州若在卿曹豈得見我而乎景茂愧

而退居無何生男子賴朝命安達清經沉之由比浦放

還靜於京師○夏五月源賴朝遣所衆藤原信房及天

野遠トヨノ擊鬼界キカイ島降之先是賴朝欲擊鬼界島衆皆諫

之乃止是春信房獻島地及海路圖且請擊之遂命征

之果有功東○冬十一月左大臣藤原經宗補○五

年春二月法皇敕源賴朝繕治大內○賴朝奏曰藤原

本衡容世代糾同悖逆臣願奉救討之東○前左大

臣藤原經宗補經宗久居顯要鍊達朝典為時所重

忠管世稱大炊御門左大臣補○夏閏四月召還流人

中信基及弟時實等東○藤原泰衡嚴源義經殺之東

盛衰○秋七月以右大臣藤原實定為左大臣大納言

藤原實房為右大臣權大納言藤原兼雅為內大臣海

補兼雅忠雅之子也補○敕源賴朝討藤原泰衡先是

賴朝請討泰衡累奏不已朝廷以義經伏誅天下略定

宜与民休息難之賴朝以徵兵稍集不應曠日索費遂

用大庭景能策不待詔而發分軍三道並進○八月賴

朝至陸奥擊泰衡庶兄國衡丁阿津賀志山破之泰衡

聞國衡敗棄軍而走賴朝進至平泉泰衡火城而遁九

月賴朝次陣岡比企能貞宇佐美實政既定出羽來會

衆幾三十万泰衡部將河田二郎殺泰衡以降賴朝讓

其不忠斬之至是敕書始至泰衡族俊衡季衡來降與

羽二州悉平奏捷京師留葛西清重掌陸奥國務綏撫

百姓其治一遵秀衡之約束漕運兵糧無煩居民人咸

悅服泰衡之敗也其部將有由利維平者為宇佐美實

政所虜賴朝召見問曰汝主泰衡世據三州擁兵十七
萬威震闔境然我兵一臨不出二旬而身死族滅無一
人殉節者何也維平曰壯士分寸要害若疲軋不能
戰如予不肖身為生虜無由從死昔左典厯管領海道
十五國將兵數萬平治之亂不旋踵而敗身死於人手
較之於今孰優孰劣且我主所管不過三州距戰數旬
猶為幕下之憂幕下莫深謂焉賴朝默然愛其勇壯釋
為家人東鑑初義經之奔西州也至攝津渡邊依源番番
悉意護送番坐囚于鎌倉數年日自束髮待刑會天野

遠景征鬼界島而還

按本書為高麗今按東鑑訂之

至渡邊娶番妹

携婦鎌倉親族咸喜謂番必得釋遠景亦許諾及還鎌
倉使人通意於番番曰丈夫坐事就囚何耻之有且果
為姻固所不願也乃謝使曰辱承至情第僕孤獨無由
結姻遠景大怒譖之於賴朝拘囚益嚴番不以為意至
是賴朝召番謂之曰為有是役久繫留汝宜立功以贖
罪乃給以鞍馬器仗番果有功竟復舊土番為人沉勇
尤善射嘗會客於家見鯉魚躍洶射之每發皆中坐客
服其精妙著聞○冬十二月以攝政兼實為太政大臣

職仍舊補任○建久元年春正月帝加元服於紫宸殿

先是寶劍沉海至是以書御坐劍代之五二月藤原

泰衡將大河兼任作乱陸奥出羽源賴朝遣足利義兼

比企能貞等討平之初兼任之叛眾至數千由利維平

逆戰敗死會葛西清重遣信告曰兼任作乱橘公成戰

死由利維平逃亡賴朝聞之曰使人語謬維平戰死公

成逃亡也果如其言人服其機鑒東○僧西行率俊成

西行姓藤原本名義清圖系左衛門尉康清之子也累世

以武著行物語西行少勇敢善射兼通韜略事鳥羽上

皇任左衛門尉尤好和歌造詣高妙上皇愛其才甚見

眷遇然性恬淡不喜榮利常有遜世之志年二十三遂

削髮為僧更名西行常謂桑門無家須抖擻終身於是

游歷四方吟詠自適西行物語年二一日過鎌倉途遇

賴朝賴朝見其風韻頗高使人問名即西行也賴朝素

欽其名乃大喜延見問以兵略西行辭謝曰棄世以來

家世所傳悉皆焚之吟詠之外都無所記然亦不甚拒

為賴朝談兵一夕及旦辭去賴朝固留不可乃遺以銀

猫受而出適見兒童游嬉便与之去東秋七月左大

臣藤原實定罷以右大臣藤原實房為左大臣內大臣
藤原兼房為右大臣大納言藤原兼房為內大臣兼房
兼實之弟也補○冬十一月源賴朝入朝授權大納
言兼右近衛大將○十二月賴朝上表辭職東鑑○三年春三
月以內大臣藤原兼房為太政大臣大納言藤原忠親
為內大臣忠親家忠之孫也○冬十一月以攝政兼實
為關白○閏月前太政大臣實定薨後德大寺補○
是歲僧采西歸自宋采西備中人姓賀陽氏幼聰敏絕

人○如宋學令教文治末再如宋學禪教至是而
歸後創壽福寺於鎌倉居焉嘗曰我沒五十年禪教大
興文應以後禪教日盛竟如其言元亨○三年春正月
源賴朝創永福寺於鎌倉時平氏遺臣藤原忠光畝立
目以魚鱗詐為眇者挾匕首廁役徒中搬運土石圖刺
賴朝賴朝適至作處見其形狀異之命左右收縛探懷
獲匕首因詰其狀忠光曰我是總方郎忠光者也欲
為平氏報仇耳乃囚之於和田義盛家鞠問黨忠光
曰同謀唯有平盛嗣聞前匿用波不知今何在也目被

執日絕飲食月餘賴朝命斬之東忠光忠清之子也平

物○三月法皇崩壽六十六海○秋七月前太政大臣

師長薨歷代師長好音律最長琵琶天下嘗大旱祈請

不應師長奉敕彈琵琶於日吉社澍雨立降眾皆嘆異

稱雨大臣盛衰師長嘗謂人曰觀舞聽樂知國之興亡

近世妓舞有白拍子其曲多商音亡國之音也人以為

知言續古事○以前大納言源賴朝為征夷大將軍東

初鎮守府置將軍及賴朝為征夷將軍朝廷重其任為

罷鎮守府將軍職原○四年夏五月源賴朝獵于富上

野關東將士畢會曾我祐成及弟時致殺工藤祐經于

獵場初祐成父河津祐泰為祐經所殺時祐成時致尚

幼母再醮曾我祐信祐成兄弟遂為祐信所鞠及長常

有復讎之志間關流離備嘗辛楚至是乘夜潛入神野

宮遂殺祐經突入幕府將士距鬪殺祐成捕時致斬之

祐成年二十二時致少祐成一歲祐成有妾曰虎大磯

倡也及祐成死為尼終身曾我○秋八月源賴朝拘弟

範賴於伊豆修禪寺遂殺之八坂本平初西海之役義

經恃功橫恣而範賴能遵約束每事諮稟鎌倉以故為

經恃功橫恣而範賴能遵約束每事諮稟鎌倉以故為

賴朝所親愛繼及賴朝獵于富七野無倉訛言賴朝遭

害夫人政子大驚悲範賴慰諭曰範賴在勿以為憂矣

賴朝聞而惡之保曆同記至是逐之於伊豆拘于修禪寺握

原景時勸賴朝殺之乃遣景時及其子景季等率騎五

百攻殺之八坂本平○五年秋七月內大臣藤原忠親

罷補○六年春三月源賴朝入朝抄○前內大臣藤

原忠親親薨家稱中山補忠親嘗著水鏡山槐記本朝

良經良通之弟也系○七年春三月左大臣藤原實房

錄○冬十一月以權大納言藤原良經為內大臣補

罷補○夏六月平知盛子知忠匿於京師集兵將嚴藤

原能保明月能保遣後藤基清等圍攻之知忠自殺盛

先是平氏遺臣平忠房平盛嗣平盛久藤原景清等

或嘯聚山澤或毀形羸服圖殺賴朝事皆不成相繼禽

殺至是餘黨悉平東鑑編年記○冬十一月關白兼實

罷以前攝政基通為關白太政大臣兼房罷補○九年

春正月立皇子為仁為皇太子即日傳位明上尊

號曰太上天皇抄時帝年未弱冠諸皇子幼冲及將

傳位源賴朝陳不可不聽關白基通大納言源通親

傳位源賴朝

讚成之帝意應管抄禪位之後聽政院中二十餘

年及承久兵起北條義時遷帝於隱岐正統世稱隱岐

院延應元年崩于隱岐百諫帝敏慧多能增臂力絕人

好武技著聞集尤善和歌又善鍛刀多賜武人佩之承久

記增始置西面以配北面命關東選練達騎射材力絕

倫貢之承久帝在位日憤王室陵替有恢復之志嘗作

和歌寓意而其播遷之禍實兆于此矣增在位十五年

改元者三曰元曆文治建久皇太子立是為土御門天

皇
皇朝史畧卷之八終